



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus XXXI. De Ferijs infra Hebdomadam I. post Octavam Pentecostes
occurrentibus, uti & de Festo SS. Corporis Christi.

urn:nbn:de:hbz:466:1-39937

pris, reperio celebrem, ac sæpius agitaram hanc controversiam etiam proponi à P. Georg. Gobat Operum ejus moralium Editionis recentioris (quâ antea carebam) Tom. I. P. I. Tr. V. n. 623. Append. 1. & 2. ac ibidem non tantum ab ipso, sed etiam à duobus alijs egregiè doctis (ut ipse appellat) Theologiæ, & respectivè SS. Canonum Magistris ad eundem omnino modum, quò paulò antè à me, ex iisdem omnino Principijs resolvi. Horum alter (ibi tacitò Nominè relatus) est P. Joann. Stoz,

primus SS. Canonum in hac Universitate Oenipontana Professor, cujus Discursus, quò suam ac meam Sententiam probat, adèd solidus eidem P. Gobato videbatur, ut dignum existimaret, quem ibi de Verbo ad Verbum referret, unà cum perinde solidis Responis ad Argumenta, quibus triplicis generis Adversarij tum suam propugnant, tum nostram oppugnant Sententiam: dignum proin quoque erit, quem ibi legere benevolus Lector.

TITULUS XXXI.

De Ferijs infra Hebdomadam I. post Octavam Pentecostes occurrentibus, uti & de Festo SS. Corporis Christi.

FERIÀ II. post Festum SS. Trinitatis, nisi faciendum sit de aliquo Festo (seu *Translato*, seu *non Translato*) Officium fit de ea, dicendo MATUTINUM & LAUDES, uti notantur Ferià II. in Psalterio cum Oratione Dominicæ præcedentis. Invitatorium est: *Venite exultemus Domino*. Post ejus primam consuetam Repetitionem statim subjunguntur in Psalmo *Venite hæc Verba: Jubilemus DEO salutari nostro &c.* omissis primis Verbis Psalmi. Lectiones Nocturni cum suis Responsoijs dicuntur uti notantur in Proprio de

Tempore Ferià II. infra Hebd. I. post Octav. Pentec. ubi extat sequens Rubrica: *Hac Nocte ponuntur Lectiones Regum, de quibus legitur usque ad Dominicam 1. Augusti: Si quid verò de his Libris superstitè adveniente dicta Dominica, id, quod superesset legendum de his Libris, eò anno omittitur.* Cùm verò hesternà Dominicà ob Festum SS. Trinitatis in ea occurrens, non poterit legi (ut notat, ac loquitur Gobat: Tom. 2. Sect. 6. c. 19. n. 4.) Initium Libri primi Regum, ideo per Rubr. Gener. XXVI. n. 6. si hodiernà Ferià II. non occurrat Festum 9. Lectionis.

tionum, proprias in I. Nocturno habens Lectiones, *Initium illud Libri I. Regum* hodie ponitur, sive dein Officium fiat de *Feria*, sive de aliquo *Festo* (seu *occurrente*, seu *translato*) 9. Lectionum; atque de Libro illo I. Regum legitur usque ad Dominicam V. post Pentec: tam in Officio *feriali*, quam *Festivo*, nisi Officium illud proprias habeat vel ex parte, vel ex toto Lectiones. Quod si *Initium* Libri I. Regum ob Festum proprias habens in I. Nocturno *Lectiones*, in Feriam II. hodiernam incidens, hac Die poni non possit, tunc *Initium* illud Lectionis de Scriptura alioquin hodie occurrente, transfereendum est in sequentem Diem similiter non impeditam, Lectiones autem illi Diei de eadem Scriptura assignatæ vel cum superioribus Lectionibus legantur, vel omittantur (prout scilicet placuerit) ita, ut non oporteat amplius in alio sequenti Die eas resumere, sed deinceps illæ semper legantur, quæ sua quaque Die occurrunt, aut (si ita lubear) omissæ seu nondum lectæ Lectionibus currentis Diei jungantur: id quod semper juxta Rubr: Gen: XXVI. n. 6. est observandum, quando Lectiones, occurrentes de Scriptura, aliquo die præcedente (ob occurrentem v. g. *Vigiliam*, aut *Festum habens proprias in I. Noct. Lectiones*) omitti debuerunt.

Ab hac Die usque ad Adven-

tum resumuntur, & post Orationem Diei (quæ in Feriali Officio per omnes Horas dicitur ut in Dominica præcedente) in fine *Laudum* ac *Vesperarum* dicuntur *Commemorationes Communes*, seu *Suffragia Sanctorum*, quæ habentur in *Psalterio* post *Vesperas Sabbati*, quoties Officium fit vel de *Dominica*, vel de *Feria*, vel de aliquo *Festo* (nisi Officium fit *Duplex*, vel in *fra Octavas*, etiamsi de *Dominica*, vel *Semiduplici* infra eas fiat) illisque adjungitur *Commemoratio de Patrono Principali Diæcesis*, aut *Ordinis*, juxta inferius P. II. die 14. *Januariæ* dicenda, nec non de *Patrono* vel *Titulo Ecclesiæ*, ante vel post *Commemorationem* de *S. Maria*, & de *Apostolis*, pro *Dignitate* illius, ita tamen, ut semper ultimò loco ponatur *Commemoratio de Pace*: Ante omnes autem prædictas *Commemorationes* (in omni ac solo tamen *Officio Feriali*) fit hoc Tempore usque ad *Adventum* *Commemoratio* de *S. Cruce*, quæ habetur in *Psalterio* post *Laudes Feriæ II.* Quod si in *Officio*, in quo dicuntur *Commemorationes Communes*, seu *suffragia Sanctorum*, faciendæ sit *Commemoratio* alicujus *Festi occurrentis*, etiam *Simplicis*, ea semper fit ante ipsa *suffragia* consueta, etiam ante *Commemorationem* de *Cruce*, si *Officium* sit *Feriale*, occurrente v. g. in *Vigilia* al cuius *Sancti Festi* aliquò *Simplici*. De *S. Maria* non fit *Commemoratio* & nsue-

A a 2

ta

ta (nisi in propria Ecclesia, tanquam de Titulari ex Decreto Sac. Rit. Congr. 10. Januarij 1604.) tunc ; quando dicitur ejusdem *Officium parvum* in Choro ; nec, quandoque Officium de Die currente fit de ipsa B. V. uti contingit, cum fit de illa Officium Sabbatum per Rubr. Gen. XXXV. n. 4. & Special. extantem post Vesperas Sabbati ante Compl. eò quòd non debeat de eodem fieri Officium, & Commemoratio simul. Quòd si tamen quis privatim tantum recitet Officium B. V. parvum, debet in Officio de Die nihilominus facere de ea Commemorationem perinde, ac si illud non recitaret, nisi recitet ratione Chori. Nihil autem refert, si dividatur Officium B. V. ab Officio Diei ; puta, quia illud Vesperis, hoc manè recitatur in Choro : quia ibidem utrumque dicitur, & Unum in Ordine ad aliud. Plura de Qualitate, Modo, Ordine, ac Obligatione faciendarum his Temporibus Commemorationum communium in Officio, Vide infra P. III. Tit. De regulandis Commemorationibus, & P. II. die 14. Jan.

Si hodierna FERIA fit *prima Dies Mensis* post Tempus Paschale, non impedita Officiò aut Festò 9. Lectionum, tunc hodie post *Laudes Diei* dicuntur in Choro I. *Nocturnum*, & *Laudes Defunctorum* ; alioquin alia sequenti Die similiter non impedita dicitur *Nocturnum* (FERIA illi cor-

respondens) cum *Laudibus Defunctorum*, ut supra Tit. V. & P. III. Tit. XI.

Si hodie (idem est de alijs FERIjs post Pentecosten usque ad Adventum) eò quòd non occurrat aliud quod Festum, fiat de FERIA, dicitur *PRIMA Ferialis*, recitando omnia cum *Precibus consuetis* (non tamen *Ferialibus*) prout norantur in Psalterio post *PRIMAM Dominicalem*. *HORÆ* quæque *PARVÆ* dicuntur cum Antiphonis, Capitulis, & Responsorijs brevibus ferialibus, ut ibi, attamen cum Oratione ex Dominica præcedente, nisi occurrat Vigilia, aut FERIA aliqua 4. Temporum, in his enim dicitur Oratio propria suò locò assignata, cum Precibus ferialibus, ut in Psalterio. Ad *Missam* quòd attinet, in hodierna, ac reliquis deinceps FERIjs post Pentecosten usque ad Adventum (in quibus non fit de aliquo Festo, aut de B. V. in Sabbato, aut de Dominica aliqua anticipata, nec legitur *Missæ Votiva*, vel de *Requiem*, nec occurrat aliqua Vigilia, aut FERIA aliqua 4. Temporum) resumitur semper *Missæ* præcedentis respectivè Dominicæ, adeoque hæc Hebdomadæ *Missæ Dominicæ* I. post Pentec. attamen sine *Gloria* & *Credo*. Oratio 2. *A Cunctis*. 3. ad Libitum Sacerdotis. Quæ ultimæ duæ Orationes non tantum dicuntur in *Missis* de Tempore, sed etiam in *Missis* de Sanctis usque ad Adventum, nisi sit *Duplex*, vel infra *Octavam*, aut nisi

in Festo Semiduplici facienda sit Commemoratio Festi Simplicis occurrentis, tunc enim Oratio 2. est de Simplici, & 3. à cunctis in Festis Semiduplicibus. Quòd si à Dominica I. post Pentec. usque ad Advent. occurrat aliqua Octava, & infra illam fiat de Festo Semiduplici, in Missa de tali Festo Oratio 2. est de Octava. 3. autem (nisi simul occurrat Festum Simplex) est *Concede*, non verò à cunctis : Si autem à Dominica I. post Pentec. occurrat Festum Semiduplex in *Vigilia* extra Octavam & Tempus Adventuale, Oratio 2. est de *Vigilia*. 3. à cunctis, uti videre est in Missal. ad diem 19. Sept. in Rubr. extante ad fin. Missæ, & suo locò dicitur. Ferià quoque quavis II. & I. die Mensis non impedita Officiò 9. Lectionum, dicitur locò penultimò Oratio *Fidelium*, in Missis, quæ de *Die* corrente, & non de *Requiem* dicuntur, de quo mox plura : In iisdè die. Præfatio Commun. & post Graduale *Alleluja* cum Versu subsequente, perinde ac in Dominica. In fine : *Benedicamus*. In *Dominicis* ac *Ferijs* post *Dominicam* *Trinitatis* usque ad *Adventum*, in quibus de ipsis dicitur *Officium* ac *Missæ*, Ornamenta Altaris, ac Paramenta celebrantium sunt *Viridis Coloris*, exceptis *Dominicis* infra aliquam Octavam occurrentibus : nam tunc *Color* tam *Altaris*, quam *Paramentorum* Celebrantis erit *Conformis Sancto*, cuius Octava celebratur, quan-

tumvis Missa cum Officiò dicatur de *Dominica* : exceptis quoque *Vigilijs*, quæ jejunantur, & *quatuor Temporibus*, in quibus adhibetur *Color Violaceus*, ut suo locò. Plura Vide infra post *Dominicam* III. post Pentec. & supra *Tit. V. & VIII. nec non P. III. Tit. VI.*

Quia verò juxta Rubr. Gener. Missal. *Tit. V. n. 1.* Prima die cujusque Mensis (extra *Adventum*, *Quadragesimam*, & *Tempus Paschale*) non impedita Officiò Duplici vel Semiduplici, dicitur Missa principalis generaliter pro Defunctis Sacerdotibus, Benefactoribus, & alijs ; & si in ea occurrat Festum Simplex, vel Feria propriam habens Missam, aut resumenda sit Missa *Dominicæ* præcedentis, quæ fuit impedita, nec infra *Hebdomadam* occurrat alia dies, in qua resumì possit, in *Ecclesijs Cathedralibus & Collegiatis* dicendæ tunc sunt duæ Missæ (una pro *Defunctis*, alia de *Festo Simplici*, vel *Feria prædicta*) in *Ecclesijs* verò non *Cathedralibus* nec *Collegiatis* dicenda quidem est Missa de *Die*, attamen cum Commemoratione generaliter pro Defunctis per *Orationem Fidelium &c.* penultimò semper locò in Missis Vivorum dicendam, ideo, si in hodiernam, aut aliam subsequente Feriam incidat Prima dies Mensis, dictò modò non impedita Officiò 9. Lectionum, executioni mandanda erunt Præscripta à Missali Romano hò. Locò

in Rubricis, ut supra sub Titulo V. De Ferijs post Dominicam II. post Epiph. occurrentibus &c. fufius à me est declaratum.

Præterea juxta eandem Missalis Rubricam V. n. 2. Quavis Feriâ II. (extra Tempus Quadragesimale, & Paschale) in qua non fit de Festo Duplici, vel Semiduplici, sed de Feriâ, Missa principalis dici potest pro Defunctis (ea nempe, quæ intitulatur *Quotidiana pro Defunctis*) nisi Feria illa propriam habeat Missam, aut in ea fiat de Festo Simplici, vel resumenda sit Missa Dominicæ præcedentis (eò quòd fuerit impedita) nec occurrat alia dies infra Hebdom. quâ resumî possit; tunc enim in Missa principali (de die currente dicenda) fit tantum Comemoratio generaliter pro Defunctis, uti & in Missis privatis (nisi placeat dicere Missam totam de requiem) dicendo locò penultimò Orationem *Fidelium*. Plura huc pertinentia Vide supra Tit. V. paulò antè allegatò ac seqq. nec non infra Tit. De Dominica III. post Pentec. & Ferijs subsequq.

Si hodie factum est de *Feria*, & cras iterum fiet de *Feria* currente, tunc *Vespera* hodiernæ totæ dicuntur de *hodierna FERIA* currente, uti notantur Feriâ II. in Psalterio, cum Oratione Dominicæ præcedentis: cui subjungitur Comemoratio de S. Cruce, & post hanc aliæ Comemorations *Communes*, seu Suf-

fragia Sanctorum, Modò, ac Ordine P: II. Die 14. Januar. declarandò. *Completorium* pariter dicitur, ut in Psalterio per annum cum precibus consuetis. *Col. Virid.* Similimodo dicuntur hodie *Vesperæ* feriales integræ de *Feria hodierna* currente, si hodie fuit celebratum *Festum Simplex* (utpote cujus Officium jam fuit terminatum ad *Nonam*) cras autem faciendum sit de *Feria*. Si verò in crastinum incidat *Festum Simplex*, hodie autem factum fuerit vel de *Feria*, vel de *Festo* aliquo duraxat *Simplici*, tunc *Vesperæ* quidem hodiernæ erunt usque ad Capitulum de *Feria hodierna* currente, ut in Psalterio; at verò à Capitulo dicentur de crastino illo Festo Simplici, sine Comemoratione *Feriæ*, aut simplicis præcedentis. Si denique hodie factum est de Festo 9. Lctionum, cras autem fiat de *Feria*, tunc hodiernis *Vesperis* nihil fiet de *Feria* cras subsequente, uti neque aliquid de *Feria hodierna* in hodiernis *Vesperis*, si hodie factum fuerit de *Feria*, cras autem occurrat *Festum* 9. Lctionum, sed de hoc integræ dicentur *Vesperæ*, sine Comemoratione *Feriæ*, aut *Simplicis Festi* præcedentis, cum Comemoratione tamen *Festi simplicis* subsequentis, si tale cras simul occurrat, nisi *Festum* illud 9. Lctionum fuerit duplex 1. aut 2. Classis.

FERIÂ III. infra Hebdomadem I. post

post Octav. Pentec. si non occurrat Festum, dicuntur MATUTINUM, & LAUDES de Feria currente ut in Psalterio. Lectiones, & Responsorialia de Scriptura occurrente, prout notantur in Proprio de Tempore. Quod si tamen *Initium Libri I. Regum* (ob Festum 9. Lectionum, Proprias habens in I. Nocturno Lectiones, Feria præcedente occurrens) heri poni non potuit, tunc illud *hodie* est ponendum Modò tum Die proximè præcedente, tum alibi declarato. Idem est de *Responsoijs* post Lectiones hesternas: nam si *Responsorialia* Feriæ II. præcedentis ob heri occurrerent Festum primò poni non potuerunt, ponenda illa sunt in hodierno Officio feriali, omisiss ijs, quæ hodiernæ Feriæ alioqui assignantur in Breviario. *Rubr. Gen. Tit. XXVII. n. 7.* Quod si ob Festum aliquod hodierna die occurrens, nec hodie poni possint, ponenda sunt alia die similiter non impedita, ut pluribus declaratum supra Tit. V. *De Ferijs post Dominicam II. post Epiph. occurrentibus.* Horæ Minores, cum Missa, Vesperis, ac Completorio dicuntur ut *Feria II.* præcedente, exceptis ijs, quæ ei *quæ tali* sunt propria. Vide paulò antè cit. Tit. V. Dicta. Quod si hodierna Feria sit I. dies Mensis non impedita Officiò 9. Lectionum, tunc heri dicendæ fuerunt Vesperæ Defunctorum, hodie autem post *Laudes* diei dicendum est II. Noctur-

num, ac Laudes Defunctor. Circæ *Missas* autem tam *Conventuales*, quam privatas observanda sunt heri à me annotata, cum ijs, quæ paulò antè citatò Titulo sunt dicta. Quod si in crastinam Feriam IV. incidat *Vigilia S. Joann. Baptistæ*, & simul alicubi cras occurrat *Festum Simplex*, tunc hodiernæ Vesperæ feriales non tantum usque ad Capitulum, sed totæ erunt de hodierna Feria currente (dicendo Orationem Dominicæ præcedentis) de *simplici* autem *Festo* in crastina *Vigilia* occurrente in hodiernis Vesperis fiet tantum *Commemoratio*, cui (sine *Commemoratio* *Vigiliæ*) *Commemoratio* de S. Cruce, & post hanc reliquæ *Commemorationes Communes* pro more subjunguntur. *Rubric. Gen. Tit. XI. n. 10.*

FERIÀ IV. infra Hebd. I. post Octav. Pentec. si Festum non occurrat, dicuntur Matutinum, & Laudes de Feria currente ut in Psalterio. Lectiones Nocturni, & Responsorialia sumendo de Script. occurrente, prout notantur in Proprio de Temp. Quod si *Initium Libri Regum*, aut *Responsorialia Feria II. præcedentis* in neutra præcedentium *Feriarum* poni potuerunt, tunc circa illa primò ponenda procedendum est modò in hesternâ *Feriâ* à me annotatò.

HORÆ quoque PARVÆ, ac *Missa* cum alijs usque ad *Vesperas* die

cuno

dicuntur, ac fiunt ut heri, nisi quòd ad Primam in Martyrologio primò locò annuntietur Festum Solenne SS. Corporis Christi (& hoc etiam in casu, quo hodie non fit de FERIA, sed de Festo hodie occurrente) Col. *Virid.*

Quòd si in hodiernam Feriam IV. in idat *Vigilia S. Joann. Baptista*, Officium, & Missa dicuntur de *Vigilia*, ut ibi, ac infra P. II. die 23. Junij. Quòd si ipsum Festum SS. Corporis Christi incidat in *Vigiliam S. Joannis Baptista* (uti factum 1639. & 1707.) tunc *Jejunium Vigiliae* ex Decreto Leonis X. (allegato ex Navarri Man: c. 21. n. 11. à Barthol. Gavanto Tom. 2. Sect. 3. c. 7. n. 3.) ac Urbani VIII. anticipandum est ad hodiernam Feriam IV. Dixi: *Jejunium Vigiliae*: nam *Officium & Missa Vigiliae* non perinde in eo casu anticipantur: Si quidem tunc de ipsa *Vigilia* nihil eò annò faciendum est aut hodie, aut cras tam in Officio, quam in Missa per *Rubr. Gen: Brev: Tit. IX. n. 4. & Missal. Tit. III. n. 2. ac Tit. VII. n. 2.* Plura vid. P. II. cit: ubi de casu, quòd *Vigilia S. Joan. Baptista* incidit in Feriam VI. infra Octav: SS. Trinitatis, & Corporis Christi.

V. SPERÆ hodiernæ (hoc est *primæ crastinae Solennitatis*) dicuntur de Festo SS. CORPORIS CHRISTI prout notantur in Proprio de Tempore, si ne ulla Commemoratione Festi, sive hodie, sive in crastinum occurrentis,

nisi hodie occurrens sit 1. vel 2. Clausis. Hymnus *Completorij*, & reliquæ deinceps Hymni ejusdem Metri per totam Octavam (etiam illis diebus quibus alicubi concurrens cum Octava SS. Trinitatis) terminantur his Clausulæ: *JESU tibi sit Gloria, qui natus es de Virgine &c.* nisi Festum dup. propriam habens Clausulam in fra. casu occurrat. Eadem primæ Vesperæ in Choro celebrantur *Solemmiter*, non tamen in eis (nisi aliud forsan alicubi, uti in pluribus nostræ Germaniæ locis, consuetudine sit introductum) exponitur SS. Sacramentum, sed primùm sub finem crastinae Missæ Solennis, ante Processionem celebrandæ, uti habet Cærem: *Episc. L. 2. c. 33.* & ideo ad illa Verba Hymni: *Tantum ergo Sacramentum* non genuflectitur: per Octavam verò, quæ *Tabernaculum* (ostensorium, vulgò *Monstrantia*) cum SS. Sacramentis discooperto, dum *Vesperæ & Officia* dicuntur, ponitur super Altare, uti ibidem dicitur, ad dictum Versum: *Tantum ergo &c.* in Choro ab omnibus genuflectitur, sicut etiam ad Versum: *O salutaris Hostia &c.* alias autem non. Col. Alb.

FERIÀ V. post Festum SS. Trinitatis occurrat FESTUM SOLENNE SS. CORPORIS CHRISTI cum OCTAVA, institutum ab Urbano IV. 1262. & ab Eugenio IV. 1433. Confirmatum, ob eam Rationem, quam reddit Th. Thomas in Officio ejusdem Festi, ab ipso

comer Angelico Doctore compo-
 sito, juxta Ritus illorum Temporum,
 uti videre est in ejusdem *Opusculo*
 57. Est Festum 1. Classis, & Privile-
 giatum contra quodcumque aliud Fe-
 stum, ita, ut ne Missa quidem Vo-
 tiya solennis in eo possit decantari,
 ut constat ex Rubr. Gen. Tit. 6. Mis-
 sal. Unde si occurrat hac die Fe-
 stum aliud Duplex, vel Semiduplex,
 transferri illud debet, & quidem
 juxta Rubric: tum propriam (præ-
 fixam 1. Vesperis hujus Festi) tum e-
 tiam General. Tit. X. n. 1. & 5. post
 Octavam SS. Corporis Christi, excep-
 to Festo Nativitatis S. Joann. Ba-
 ptistæ (aut alio simili 1. Classis juxta
 mihi probabiliorem, & ut quidam
 ajunt, declaratam à S. R. C. 1680. 7.
 Decemb.) quod, si venerit in die SS.
 Corporis Christi, transfertur in pro-
 xime sequentem diem, faciendo de
 illo in 2. Vesperis Corporis Christi
 Commemorationem, Feriâ autem
 VI. subsequente de eo Officium, cum
 Commemoratione Octavæ Corporis
 Christi in Laudibus, & Missa (in quâ
 tunc *Credo* propter Octavam Corpo-
 ris Christi) ac 2. Vesperis; reliquis
 autem infra Octavam Corporis Chri-
 sti diebus dicendo Officium de ea-
 dem Octava Corporis Christi, cum
 Commemoratione Octavæ S. Joann-
 nis. Dies autem Octava S. Joann-
 nis tunc veniens in Octava SS. Corporis
 Christi, non transfertur, sed de illa
 sô annô fit tantum Commemoratio

in utriusque Vesperis, Laudibus, ac
 Missa diei Octavæ SS. Corporis Chri-
 sti. Cæterum quia hoc Festum quàm
 sollemnissimè, quoad fieri potest, à
 Locorû Superioribus solet celebrari,
 ideo Altaris quoque ac Templi Or-
 natus sollemnis esse debet, pariter-
 que Celebrantis & Ministrorum Pa-
 ramenta pretiosa, ac albi Coloris.
Gerlac. hic.

In OFFICIO ad MATUTINUM &
 LAUDES omnia sunt propria, dicun-
 turque, uti notantur in Loco in Pro-
 prio de Tempore, sine Commemo-
 ratione Festi Simplicis, si quod ho-
 die occurrat, imò etiam Octavæ SS.
 Trinitatis, si ejus Festum alicubi ce-
 lebretur cum Octava.

Ad PRIMAM hodie, & per totam
 Octavam (etiam quando Officium
 non fit de Octava Corporis Christi)
 in Responsorio brevi dic: Vers. *Qui*
natus es de Maria Virgine: & in Fi-
 ne Hymni *Jam Lucis orto Sidere* (par
 ratio est de alijs ejusdem metri)
JESU tibi sit Gloria &c. Versiculis *Pri-*
ma, & *Completorij* non additur *Alle-*
luja, etiam in Responsorio brevi,
 bene tamen in alijs Horis, ut ibi.
Col. Alb.

MISSA hodie, & per totam
 Octavam (quando, & ubi fit de il-
 la) dicitur uti notatur hoc die in
 Missali in Proprio de Temp. cum
Gloria, *Sequentia*, & *Credo*. Oratio
 hodie Unica. Censet autem P. Didacus
 de Avendanno apud P. Gob. 3. n.

B b

731.

n. 731. Lit. e. in Collecta de Venerabili inclinandum esse caput ad Nomen SACRAMENTI, ob rationem ibi adductam. Præfatio de Nativitate Domini (sine ejusd. Communicantes) per totam Octavam, nisi infra hanc dicatur Missa habens Præfationem propriam, v. g. ab eo, qui celebrat Festum SS. Trinitatis cum Octava; nam à tali dicenda est infra Octavam utramque hanc simul occurrentem Præfat. de SS. Trinitate, sive celebret de SS. Trinitate (uti debet, nisi occurrat Festum Duplex) sive de Festo alio Duplici infra utramque hanc Octavam occurrente, & tunc in Missa Festi faciendæ est Commemoratio de Octava SS. Trinitatis ante Commemorationem de Octava Corporis Christi, nisi Festum illud sit 1. vel 2. Classis: tunc enim faciendæ est Commemoratio solius Octavæ Corporis Christi juxta Rubric. de Octavis, & Commemorationib. *Col. Alb.*

Si hodie occurrat *Festum Simplex*, aut alicubi celebretur Festum SS. Trinitatis vel aliud cum *Octava*, tunc nec de illo, nec de ista hodie fit Commemoratio, etiam in Missa. Quando per hanc Octavam, atque etiam alias per annum SS. Sacramentum exponitur in Altari, non debere in hoc poni Imaginem Crucifixi, etiam Tempore *Misse*, antehac plurimum erat Rubricistarum Sententia pluribus locis etiam in praxi recepta:

at: modo intelligo eam Sententiam ac praxin subin à Sac. Rit. Cong. fuisse reprobata: Magistris enim Ceremoniarijs Metropolitana Ecclesia S. nensis Sac. Rituum Congregationi demum supplicanti bus declarare: An supra Altare, in quo SS. Sacramentum expositum est, Crux de more collocari debeat Eadem Sac. Rit. Congregatio respondit: Nunquam omittendam Crucis cum Imagine Crucifixi appositam Collocationem. Ita declaravit, & servari mandavit die 14. Maij 1707. prout testantur Litteræ hac super re ex Urbe datæ: Quoniam post Missam Principalem hodie hoc die solet ac debet Solemnis Processio cum Venerabili Sacramento in Paramentis Albis, ideo ut cum Solemnitate ac Reverentia tanto Sacramento debita ea instituantur, observanda sunt ea, quæ Barth. Gavanti Tom. 1. P. 4. Tit. 12. à n. 3. accoratur, ut sequitur, annotavit: In Cathedralibus, inquit, Ecclesijs serventur ea, quæ in Cæremon. Episc. L. 2. c. 33. (ubi pleraque quæ spectant ad Solemnitatem hujus Festi & Octavæ) habentur; in Minoribus autem Ecclesijs ea item quæ, in Rituali Rom. Pauli V. Tit. de Processione in Festo Sanctissimi Corp. Christi. In Missa vero celebranda ne omittantur Genuflexiones præscriptæ Festi V. in Coena Domini. Finita Missa deponuntur Manipuli, inducit celebrans Pluviam

Je extra Cornu Epistolæ, imponit
stans incensum sine benedictione,
& genuflexus ter incensat Sacra-
mentum in Tabernaculo ostensio-
rio (id est Monstrantiâ) posurum,
ea ratione prorsus, quâ diximus
in Feria quinta in Cœna Domini.
Potest cantari interim, dum incen-
satur, O *Sacrum Convivium*, vel *Tan-
tum ergo Sacramentum*, ut in Instru-
ctione Romæ edita pro Oratione
quadraginta horarum dicitur.

Non deferatur Tabernaculum
Sanctissimæ Eucharistiæ Sacerdo-
rum humeris, sed manibus tan-
tum Celebrantis, non obstante qua-
vis contraria consuetudine, quam
abusum esse declaravit Sacra Ri-
tuum Congregatio die 2. Junij 1618.
Imago verò, quæ est in Hostia, de-
bet terga vertere Celebranti, ut de
Imaginis Crucifixi aliàs docuimus;
& ita accidit, dum ab Altari Dia-
conus Tabernaculû (id est, Mon-
strantiâ) accipit, & stans genufle-
xo Celebranti immediatè tradit.

In Processione Clerus imme-
diatè præcedat Celebrantem cum
Cereis accensis, Cæteri, sive Con-
fratres, sive Regulares, ante Cle-
rum procedant, cereosque omnes
ea manu, quæ extrema cuique est,
alterâ pectori admodum teneant: Hy-
mni decantentur alternatim, qui à
Celebrante cum Ministris dici po-
terunt submissa Voce: Is, qui Cru-
cem defert, congruit, ut Veste

Subdiaconali sic indutus, & pro-
cedat medius inter Acolythos cum
Candelabris, & Cereis accensis, ut
aliàs dictum est, in honorem Cru-
cis, & Crucifixi, sicuti fit in Al-
tari.

De Baldachino, & Hastarum
ejus Distributione diximus in Fe-
ria quinta in Cœna Domini; De
Circulo, & Via procedendi, stan-
dum erit locorum consuetudini:
rectius à Latere Evangelij procedi-
tur ad Latus Epistolæ.

In Fine Processionis Subdiaco-
nus deponit Crucem in loco de-
centi, Ceroferarij Candelabra in
Credentia, & cum Clero genu-
flectunt. Deposito Sacramento su-
per Altari cum ministerio Diaconi,
ut in Cœna Domini, imponi-
tur à stante Celebrante sine Be-
nedictione incensum in Thuribu-
lo, fit incensatio trina de more,
cantante interim Clero (genufle-
xo ante, & circum Altare) ulti-
mos duodecim Versus Hymni *Pan-
ge lingua gloriosi*, nempe *Tantum ergo
&c.* Quibus dictis cantatur à duo-
bus Clericis Vers. *Panem de Cælo,
&c.* [addito in fine *Alleluja*] & à
Celebrante stante, Ministrisque
genuflexis, & Librum sustinenti-
bus hinc inde, dicitur *Dominus Vo-
biscum*, cum Oratione: *DEUS qui
nobis &c.* nihilque aliud addens
ascendit ad Altare, genuflectit, &
ipsemet nullò Diaconi Ministerio

accipit velatis manibus, ut prius,
 Tabernaculum, benedicit cum eo
 Populum, facie Hostiæ ad eundem
 versa, in modum Crucis semel [id
 est unam tantum faciens Crucem,
 nisi sit Episcopus] nihilque dicens,
 & gyrum perficiens reverenter re-
 ponit. Hæc ferè omnia ex Rit.
 Rom. Gavantus, subdens deinde:
 Tum Genuflexione facta de-
 scendit ad Gradus, ut prius, & a-
 motò Velò à Subdiacono, Diaco-
 nus ascendit, genuflectit, & repo-
 nit vel in locum altiore, ut eo
 die colatur à Populo, pro loco-
 rum consuetudine, vel contextum
 Velo in locum suum. Corpora-
 le, seu Palla Tabernaculo semper
 sit substrata; & Velum longum
 eidem Tabernaculo [quod hinc
 inde aprè cadat Versus Altaris La-
 tera, & à posteriori Parte Taber-
 naculi] seu Umbellula superad-
 datur: emineat quoque Locus
 Tabernaculi supra locum Reli-
 quiarum, quod aliàs monuimus.
 Scripsere Quidam, at gratis, quòd
 præter Corporale supponi debet
 Tabernaculo Ara lapidea cum tri-
 bus Mappis; sed hæc necessaria
 sunt ad Conficiendam Eucharis-
 tiam, non autem ad eam Collo-
 candam, seu reponendam: alioquin
 & in Turri lignea [seu Taberna-
 culo, in quo S. Eucharistia constan-
 ter asservatur] & cum ad ægrotos
 deferretur, eadem forent adhibenda.

Parietes Viarum, per quas
 transeundum, ornari debent
 prædicto Rituali carpetibus & sa-
 læis, & sacris Imaginibus, non
 profanis; Actus autem Scenici, ve-
 ludicri, vel indecori prohibentur
 in Cærem. Episc. loco cit.
 Ardebunt Candelae usque
 datam Benedictionem inclusive,
 & Diaconus nihil osculabitur co-
 ram Sacramento. Ita cit. Aucto-
 Plura si requiras, vide Mich. Baul-
 dry in Manual. Sacri. Cærem. P. 4.
 c. 16. ubi art. 3. & 4. & c observanda
 tam in Missa, quam in Processione
 jus Festi ab Ecclesijs tam majoribus,
 quam minoribus acerrimè excep-
 tur, uti & Gerlacus Vinit. hic. Idem
 Bauldry c. 16. cit art. 10. eradicandæ
 servanda in Processione solenni
 Sacramenti in quibusdam Ecclesijs
 infra Octavam Corp. Christi instituta
 solitis, toto verò citi cap. 16. ex
 quæ universim in hoc Festo, & per
 totam ejus Octavam sunt observa-
 da, uti & Decreta S. R. C. & c. quo-
 rum meminit P. La Croix Tom. 1.
 7. l. 6. n. marg. 2055: à fine fol. 131.
 usque ad initium folij 1310. inclu-
 ve, saltem ea, de quorum emanatione
 Legitimè facta authentice
 constat, juxta ea, quæ ipse monet
 Conclusionem illius Tomuli post
 dicem, nec non l. 6. ejusd. Tom. 1.
 n. 2056. & seqq.
 IN II. VESPERTIS omnia dicenda
 tur uti in primis, excepta Antiphona

na ad Magnificus 2^o O. Sacrum Convi-
vium etc. In iisdem Vesperis II.
hodierni Festi fit commemoratio de
Festo duplici sequente, non tamen
de die infra Octavam [v. g. SS. Trini-
tatis] etiam si cras fiat de ea Offi-
cium; nec de Festo Simpliciter sequen-
te. Si cantantur Vesperæ coram SS.
Sacramento in Altari expositio in
die hac, & per Octavam, conveni-
ret, ut omnes starent aperto Capite
[inquit Gavantus loc. mox. cit.]
ac nunquam sederent: quod si se-
deant, Caput tamen non regant:
quod etiam observandum erit in Di-
cessu, ne scilicet intra Cancellos co-
operentur Caput.

Indulgentiæ ijs à summis Pon-
tificibus concessæ, qui interfunt Ho-
ris Canonici in hoc Festo, & per
ejus Octavam, obtineri etiam pos-
sunt illis diebus, quibus Officium
non fit de SS. Corpore Christi, sed
de Sanctis infra hanc Octavam oc-
currentibus ex Decreto Papæ Joann.
XXII. apud Gav.

Haber hoc Festum Octavam pri-
vilegiatam, quæ nulli cedit, nisi O-
ctavæ SS. Trinitatis, ubi ea est Titu-
lus Ecclesiæ, adeoque & illius Fe-
stum ex Decreto S. R. C. celebra-
tur cum Octava: ibi enim FERIA
VI. & SABBATŌ infra Octavam Cor-
poris Christi fit de Octava Festi Trini-
tatis, commemoratio verò tantum
de Octava Corporis Christi; eò quod
ex Declaratione ejusdem S. R. C.

apud Gav. To. 2. S. 6. c. 19. n. 2.
Octava SS. Trinitatis in propria Ec-
clesia fit dignior, quàm Octava Cor-
poris Christi, & patet ex Octavario
Romano, ubi assignantur Lectiões
pro II. & III. Nocturno per totam
SS. Trinitatis Octavam; diciturque
expressè: FERIA VI. & SABBATŌ
infra Octavam Corporis Christi fie-
ri Officium de SS. Trinitate, si ea
fit Titulus Ecclesiæ, cum Commemora-
tione Octava Corporis Christi; quod ta-
men intelligendum est, nisi FERIA
illà VI. aut SABBATŌ occurrat Fe-
stum Duplex: nam si tale occur-
rat, fit de illo cum Commemora-
tione primò de Octava SS. Trinita-
tis, ac postmodum de Octava SS.
Corporis Christi in Laudibus, Mis-
sa, [in qua Præfatio de SS. Trini-
tate, nisi propriam habeat id Festum]
ac 2. Vesperis illius Duplicis, nisi
fit Duplex 1. aut 2. Classis: quia, si
fit 1. Classis, non admittit Com-
memorationem de Octava Trinitatis,
sed tantum de Octava SS. Corporis
Christi [cum hæc sit privilegiata, non
item illa] si verò sit 2. Classis, Com-
memoratione de Octava Ss. Trinit. admittit
solummodo in Vesperis secundis, &
quidem tunc tantum, quando Sab-
bato sequenti fit Officium de SS.
Trinitate, alias non. Excipit quo-
que Bauldry P. 4. c. 15. n. 5. casum,
quò Vigilia S. Joann. Baptistæ in
Ecclesia, in qua Festum SS. Trini-
tatis tanquam Titulare celebratur

B b 3

cum

cum Octava, incidit in Feriam VI infra Octavam SS. Trinitatis & Corporis Christi simul: tunc enim censet in ejusmodi Ecclesijs Missam Ferie VI. [idem dicit, de Missa Sabbati, si in Sabbatum infra utramque illam Octavam occurrens incidat ea Vigilia, uti incidet 1715.] non esse dicendam de Octava SS. Trinitatis, nec de Vigilia S. Joannis, sed de Octava SS. Corporis Christi, ut ut caeteroquin cedente Octava SS. Trinitatis: faciendam tamen esse ait in ea Commemorationem de Octava SS. Trinitatis, & post hanc etiam Vigilia [attamen ante Commemorationem Festi Simplicis, si quod simul occurrat] ac denique, in fine ejusdem Missae [in qua eo in casu praefatio pariter de Octava Corporis Christi] dicendum esse Evangelium de Vigilia, ac ita ordinandam esse Missam in hujusmodi casu in ejusmodi Ecclesijs colligi vult Bauldryus ex Rubr. Gen. III. recogniti Missalis n. 2. In Ecclesijs tamen Cathedr. et Collegiatis videntur ei tunc dicendae duae Missae Conventuales, una scilicet de Octava SS. Corp. Christi, cum Commemorat. Octava SS. Trinitatis, ac Festi Simplicis, si quod occurrat, post Tertiam; altera post Nonam, sine Commemoratione Octavarum, ac Festi, si quod occurrat, Simplicis, sed cum Oratione 2. Concede de B. V. & 3. Ecclesiae, vel pro Papa. Quia vero ipse Bauldryus in fine illius Numeri agno-

scit, ibi à se asserta non caret difficultate, & tandem Superioribus definiendum relinquit, quomodo ordinandae sint Missae tam principales, seu conventuales, in ejusmodi casu, ac loco, deo non desunt, qui, usque aliud Romae decernatur, non acquiescant hac in re hujus Auctoris Sententiae, quam ex allegata Rubrica recogniti Missalis haudquaquam sufficienter existimant probari, ut constabit ex infra dicendis P. II. die 23 Junij, quae Vide.

Octava Corporis Christi adnotat quidem Festa Duplicia infra eam concurrentia, non tamen Simplicia [nisi forte contendas, Privilegium hoc hujus Octavae alicubi communi per Octavam non privilegiam SS. Trinitatis concurrentem, de quo non est meum, sed altioris Subsellij discernere] uti nec Duplicia translata, nisi sint 1. Classis: unde fit de Feste Nativitatis S. Joannis Bapt. etiam translato, si id v. g. occurrat in Feste SS. Corp. Christi, tunc enim transfertur in Feriam VI proximam, nisi haec sit impedita Feste alio duplici in ea concurrente; tunc enim transfertur in Sabbatum, nisi & hoc similiter sit impeditum. Id ipsum quidam antehac cum Gerlac Vinit. extendebant etiam ad Duplicia translata 2. Classis; at fertur extare modo Decretum Sac. Rit. Congr. de anno 1664

12. Jul. quò declaretur: *Infra Octavam Ss. Corporis Christi non esse agendum de Officijs translatis Ritu duplici*
 1. *Classis non decoratis; ideoque, si Festum S. Antonij Patavini, quòd apud Franciscanos celebratur Ritu Duplici 2. Classis, incidit in prædictum Festum de Ss. Corpore Christi, transferatur.* De Festo Simpliciter sit infra Octav. Ss. Corporis Christi tantum Commemoratio, absque nona [quæ olim legabatur] de eo Lectione, nisi quando fit *Officium Duplex* de alio Festo infra eandem Octavam; tunc enim non tantum fit Commemoratio, sed etiam legitur nona Lectio de Festo Simpliciter occurrente, si propriam habeat, dummodò Festum illud, de quo fit Officium, non sit *Duplex* 1. *Classis*, in his enim nihil omnino fit de Festo Simpliciter, ne quidem Commemoratio, per Rubricas Missalis juxta, ac Breviarij. Niti fertur modò dicta circa Festa Simpliciter infra hanc Octavam occurrentia facta Dispositio Decretò Sac. Rit. Congr. de anno 1669. diè 8. Junij; Constatque ex Directorio Romano, quod solemnitati Ss. Corporis Christi, ejusque Octavæ sequentem adscribere solet Rubricam: *Infra hanc Octavam non possunt dici Misse Votive private, neque Defunctor. neque dici 9. Lectio de Festo Simpliciter, nisi quando fit Officium Duplex de alio Sancto.* Ratio autem decernendi, quòd possit dici 9. Lectio infra hanc Octavam de

Festo Simpliciter tunc, quando Officium sit de Festo Duplici, quòd non est 1. *Classis*, videtur esse hæc: quòd in ejusmodi casu cesset ratio omissionis, quæ alia non videtur esse quàm major solemnitas Festi Corporis Christi, ex eo illi obyeniens, quòd minùs habeat de Officio alieno; quò enim *Festum est nobilius, et magis etiam habet de Officio, et minus de aliorum Commemoratione*, inquit Gayantus S. 3. c. 11. n. 25. Putabat equidem aliquando hic Auctor [ut videtur est To. 2. S. 6. c. 20. n. 4. Editionis antiquæ de anno 1638] etiam tunc infra hanc Octavam dicendam esse 9. Lectionem de Festo Simpliciter occurrente, si propriam habeat, quando Festum Duplex non occurrit, adeoque etiam in casu, quò Officium sit de Octava. Verum in Recentioribus Editionibus fertur, in casu, quò Officium sit de *Die infra Octavam* de Mandato S. R. C. debere de Festo Simpliciter occurrente fieri solummodo Commemorationem sine 9. Lectione. Non tamen omittitur 9. Lectio de *Vigilia* [etiam in Officio de Octava] si quæ infra hanc Octavam occurrat. *Pisart. c. 8. propr. de Temp. n. 7. Qui Tit. 3. Reflex. 4.* censet pariter non esse omittendam 9. de Simpliciter Lectionem, quando id occurrit in Ferijs V. per annum, quibus ex privilegio fit sub *Ritu Semiduplici* de Ss. SACRAMENTO. At Quomodo ordinandum

dum sit non modò *Officium* sed & *Missæ*, si infra Octavam Corp. Christi occurrat Vigilia Nativitatis Joann. Bapt. aut Vigilia Ss. Apost. Petri & Pauli, dicitur infra P. II. Die 23. & 28. Junij, occasione utriusque Festi utramque illarum respectivè subsequens.

Infra eandem hanc Octavam non possunt dici Missæ votivæ private, neque Defunctorum ex Decr. Clem. X. Die 21. Jun. 1670.

Quia per totam hanc Octavam exponi solet Ss. Sacramentum super Altare, dum Vesperæ, aliæque Officia Divina celebrantur, Altare decenter ornatum esse debet velis, floribus, & alijs Ornamentis. Ex Declaratione quoque S. R. C. de die 14. Maij 1707. superiùs allegata etiam tunc, quando expositum est Venerabile, poni debet Crux in eo Altari, & in ea Crucifixus. Porro Expositio Ss. Sacramenti per totam hanc Octavam fiet sequentem in modum, ubi alia non est Consuetudo: Sacerdos paratus in Sacristia Amictu, Albâ, & Cingulo, aut superpelliceo, Stola & Pluviali Albi Coloris, præcedentibus Thuriferario cum Thuribulo, & Ceroferarijs cum facibus ardentibus, procedit ad Altare, ante quod omnes simul flectunt: interim unus aliquis in Sacris constitutus aperit Ostium Tabernaculi: deinde celebrans imposito [attamen sine Benedictione]

in Thuribulum thure, triplici ductu incensat Ss. Sacramentum genuflexus, mox surgens ascendit ad Altare, accipit Ss. Sacramentum, & vertens se ad Populum cantat Versum: *Tantum ergo &c.* semelque Populum benedicens [absque aliqua Pronuntiatione] Collocat Mostreantiam cum Ss. Sacramento in loco eminenti Altaris, factaque genuflexione, in superiori Altaris Gradu genuflexus, rursus Ss. Sacramentum triplici ductu Thurificat, facti ante & post profunda Capitis inclinatione; postremo omnibus præcæctis surgit, & facta in plano genuflexione recedit in Chorum, vel Sacristiam. Atque eadem hæc Ceremoniæ observantur etiam in Expositione Ss. Sacramenti.

FERIÆ VI. infra Octav. Ss. Corporis Christi si occurrat *Festum Duplex*, aut alicubi simul currat *Octava Ss. Trinitatis*, Officium, ac *Missæ* dicuntur de *Festo*, aut de *Octava Trinitatis*, cum Commemoratione Octavæ Corporis Christi in *Laudibus*, *Missæ*, ac *Vesperis*, ante Commemorationem *Simplicis*, si quoque simul occurrat, aut concurrat, mox superiùs declarato; si verò nec *Festum Duplex*, nec *Dies infra Octavam Ss. Trinitatis* incidat in *Feriam* hanc VI. Officium, & *Missæ* fient de *Octava Ss. Corporis Christi*, dicendo omnia [exceptis *Lectionibus proprijs*] uti in *Festo*, sub *Ritu* Ss.

miduplici, & tunc in Missa 2. Oratio erit *Concede. 3. Ecclesia*, vel pro Papa (prout notantur post Dominicam in Albis) nisi facienda sit Comemoratio Festi Simplicis occurrentis; nam tunc 2. Oratio erit de Simplici. 3. *Concede*, hęcque de eodem etiam Commemoratio suis locis in Officio. Atque hęc omnia etiam observabuntur sequentibus infra Octavam diebus in Officio & Missa, excepta Dominicā infra Octavam, de quā paulo post.

SABBATO infra Octav. Corpor. Christi usque ad Vesperas omnia sunt, ut dictum Feriā VI. præcedente. *Vesperæ* autem (nisi cras occurrat *Festum Duplex*, aut alicubi *Dies Octavae SS. Trinitatis*) à Capitulo sunt

hodie de Dominica infra Octavam *Ss. Corporis Christi* (quæ est 2. post Pentecosten) Ritu Semiduplici, dicendo omnia, uti notantur in *Loco* in *Propr. de Temp.* cum Commemoratione *Octavae SS. Corp. Christi*, ut ibi, nec non Festi Simplicis, si quod cras occurrat. *Col. Alb.* Quod si cras occurrat *Festum Duplex*, aut alicubi incidat *dies Octavae SS. Trinitatis*, *Vesperæ* hodiernæ erunt de Festo, aut die illa Octava, cum Commemoratione primò de Dominica, ex 1. ejus *Vesperis*, deinde de Octava *Ss. Corporis Christi* ex 2. *Vesperis Festi*, ac denique etiam *Festi Simplicis*, si tale cras occurrat, & *Festum* crastinum non sit *Duplex 1. vel 2. Class.* *Col.* Festo conveniens.

TITULUS XXXII.

De Dominica infra Octavam SS. Corporis Christi, sive secunda post Pentecosten, & Ferijs eam Subsequentibus.

DOMICINĀ infra Octavam *SS. Corporis Christi* (quæ est II. post Pentecosten) si non occurrat *Festum Duplex*, aut alicubi *Dies Octavae SS. Trinitatis*, in Officio omnia dicuntur de Festo *Ss. Corporis Christi*, ut infra ejus Octavam, præter *Lectiones*, *Octavum Responsorium*, *Capitula*, *Antiphonas ad Benedictus*, & ad *Magnifi-*

cat, atque *Orationem*, quæ omnia sibi propria habet hæc Dominica, dicunturque cum Versu ad *Laudes*, & *Vesperas* uti notantur hic in *Proprio de Tempore*, cum Commemoratur. Octavæ in *Laudibus*, *Missâ*, ac *Utisque Vesperis* ut ibi. *Col. Alb.*

In iisdem *Laudibus*, ac *Missâ* *Dominicæ* post Commemorationem *Octavæ* fit etiam *Commemoratio* *Fest*